

九江府志卷十

建置志

城池 壇廟 墓祀 公廡 試院 京師試館附
寺觀 育嬰堂 養濟院 漏澤園附

周禮冬官一冊補以考工蓋官有營造土工金工石工木工凡所以庀材者罔弗豫宜其崇墉詠夫連連作廟頌夫弈弈文士之東廡西廡可以棲遲方外之上堂下堂大能了了層構厥高易成也緬維潯郡古莫如灌嬰之城清莫如陶潛之宅鶴觀傳暮聲之靜牛眠驗相墓之靈樂天之草堂名留遺愛遠師之蓮社緣結道場岳王宮在享祀無懈春秋庾亮樓通府署可談風月矣然而狐鼠之勢或憑

九江府志

卷十

建置

城池

一

則陵谷之碑多變迴憶壯觀其能餘幾在隅在闕或荆榛盈之有表有坊或耕犁及之官舍官基或民戶侵之禪室禪院或瓦礫萃之將披丁丑戊寅間之故紙作談往一編豈少今昔之感哉幸賴

朝廷慎重金湯講明典禮 諸大憲亦克潤色 鴻業倬速鳩工靈臺之章日經之營之不日成之轉瞬而百廢皆興則潯之人士復覩舊威儀亦不日耳執筆者大書特書不一書曷云能已志建置

城池

府城漢高祖六年灌嬰築于湓浦口

胡志謂梁始遷城江南非漢築殆據太平寰宇記成

帝咸通元年移江州理湓城而言案梁無成帝亦無咸通年號似未足據宜再考

唐乾符間司馬白居易

易修宋開禧間知軍事余崇龜元總管李黼各因圯新之明洪

武癸丑增治

陳友諒據江為都無不峻鞏雉堞之理舊志列木引水之說疑訛

永樂十年知府

孔復指揮鍾信環甃之建五門覆以樓城趾濬水竇六處知

府余福蘇致中牛本指揮董綱等各再修宏治三年知府童潮

更新各門曰磐石

今為古東門

曰湓浦

今為迎恩門

曰文明曰福星曰望

京正德六年兵備馮顯知府李從正崇三尺十四年宸濠兵據

之明年知府王念翬補毀敞嘉靖三年淫雨圯四之一七年知

九江府志

卷十

建置

城池

一一

府馮會復崇三尺癸丑鎮府陳仁和以舊無月城令各屬分門

增築

詳余文獻記

萬曆十二年郡守吳秀始建南薰門

舊志謂葛寅亮開者非

癸丑兵備葛寅亮閉迎春門開舊東門癸亥葛寅亮仍開迎春

閉東作

按葛記循南薰而東且北為舊東門所從來至遠閉自何人今不可考又曰相距百餘丈有迎春門迎春由來

亦久大抵閉舊東門者為之別設也查癸丑始閉迎春開舊東門曰東作則東作即舊東門舊志載癸丑閉舊東門別開東作

癸亥仍開東門與記不符

國初兵巡黃澍修治康熙十一年知府江殷道修雍正八年知

府蔡學灝知縣張思恬修

舊志各門置兵馬司二所左守門官軍右灰庫炮樓四今置汛防營兵守

之乾隆十七年知府朱若炳德化縣知縣高植開東作門修築

月城高植有記

五十五年德化縣知縣俞光豫修今制城門七東西

縱五里南北橫四里周圍十二里二百二十四步崇二丈有奇
上廣可容騎射

府署後城下舊有柳林池塘蘆洲明萬曆兵備葛寅亮會楚黃
從北岸上流築堤固北關洲地遂淤塞支派合流掃府背餘地
盡決

國朝乾隆七年部援前守蔡學灝所請檄知府施廷翰德化縣
知縣景師毅動帑三萬八千有零沿江築護城石礮從鎖江樓
至關口竹箴嘴五里許高一二丈不等城郭因恃以固焉

九江府志

卷十

建置

城池

三

咸豐壬子二年知府陳景曾復修癸丑三年粵逆二次入城負
固五載八年四月經官軍克復後府縣官登城履勘七門周圍
城身堞牆均被礮穿臍裂礮臺月城營房一律坍塌七門城樓
惟西北兩門僅存木架其餘均燬壞無存東南角城牆轟塌二
段東北角轟塌一段丈量共長一百三丈城根陷爲泥窪淤泥
深十餘丈計地道長二里許又有官兵自外挖進踞賊自內挖
出地道多處逆匪又於護城濠溝外添挖外濠官軍於此外又
開挖長濠善修事宜最關緊要計城身長二千二百七十六丈
高二丈二尺厚一丈八尺堞牆高六尺堞口一千八百四十六

箇經署知府程元瑞知府福縣先後稟請奉各 大憲議准就地籌費五縣捐修於八年六月十一日起工至十二月十七日工竣漆設兵房更樓共四十七所置城上大小礮臺四十六座內大礮臺三十座每座均高三尺橫寬一丈八尺進深八尺小礮臺十六座均高三尺橫長一丈二尺進深六尺城廂内外地道一律填平共用工料銀一萬七千五百餘兩經委員吳城鎮同知蔡錦青查勘核實具報在案

咸豐九年十月初十日岳師門外老灌塘經冬水涸露出地洞一處深自二三丈至四五丈不等計長十餘丈其地一面濱江

九江府志

卷十

建置

城池

四

一面近城又西門迤南城下向有大水洞外通甘棠湖內通府學前蓮花池洞內石柱被水冲損數条兩處修築完固共計用過工料銀七百三十餘兩係撥用程守所存修城餘款內銀六百五十兩餘八十五兩亦仍在城工餘款內撥出

德化

附府

德安城周圍三里門五東曰寅賓南曰鎮雅西曰義豐北曰迎恩又西曰小西縣舊無城明正德十一年旁邑寇當道檄縣令陳錦築土城一圍厚三尺高丈餘後東南圯于水嘉靖十二年縣令劉東築宿城僅數丈不數年亦漸崩裂二十六年縣令蔡

元偉建議修之不果四十年倭寇肆掠荼毒信吉撫建諸郡邑
無城者巡撫胡松檄修舉費給藩司力役徵諸里知縣陳善道
鳩工落之高一丈有奇延袤餘三里陳善道有記四十四年淫雨圯
其半巡按成檄殷乾重修

國朝乾隆

戊申

年知縣張仕廷重修

咸豐二年知縣張鳴岐因連年被水冲刷致多坍塌西北二門
尤甚勸諭紳民捐貲修葺未完移交署縣劉希洛趕修工竣適
值四年縣城失守致稽詳辦八年知縣管紀勳到任周歷履勘
被匪殘塌之區諭原辦首事生員夏錫鑾貢生萬念峒陳維鏡

九江府志

卷十

建置

城池

五

職員李道亨貢生吳鳳詔等再勸捐接修於是年十月初五日
興工至九年七月十二日工竣城垣量長七百七十二丈二尺
先後共用遇工料銀三萬二千七百七十四兩零

瑞昌城明正德八年知縣黃源大始築周圍廣七百餘步高一
丈四尺厚六尺門四東安市西歸陽南仙湓北金露是年華林桃源盜起

源大戒嚴守險無據請於總制築之

崇禎間知縣趙三薦增雉堞建朝陽門月城

余朝相有記

國朝康熙五十五年雨漲三面皆傾知縣郝之芳重修

但農城有記

東西南三面踞河河源不一凡歸義清湓玉仙洪陽之水俱匯

于堰山迢遞百數十里自西迤邐而東元次山所稱灤溪卽水也明萬曆間水南徙遂不繞城致邑失重險

國初土寇來攻城因不守康熙十一年知縣江臯復舊河築堤

高厚各數十丈河復繞城

江臯有記

雍正十三年水嚙黃荆林民居

楊瓚分水以殺其勢不久復淤乾隆十二年巡道李根雲以水

病民居令知縣林煥築堤開港後因衝激邑下關柳林洲縣令

關朝柱掘堤引水繞城至今邑攸賴焉

咸豐壬子年知縣周鳴鹿因城垣坍塌繞城河道淤塞不通水

歸南河深爲邑慮適髮逆寇長沙奉上憲札飭修濬城池春

九江府志

卷十

建置

城池

六

間集紳妥議按糧派費秋間興工城門凡六東體仁外有月城門名朝陽西和義正南崇禮小南景蘇大南景元皆建立惟北之運智門未起次年自春徂秋修築東圍垣規制仍舊大南門外河嫌反弓基稍外擴使曲爲直者三十餘丈九月十八日逆匪竄至工停歲甲寅逆擾郡城磚石盡爲搬運遂廢

湖口城明嘉靖初副使謝迪旣城彭澤遂及湖口度地計工縣令徐欽憚邑前石岸未城三十四年縣令林高岡懸設五門東寅賓南振武西觀瀾北通濟東北迎春三十七年巡撫何遷巡按徐紳檄縣令沈詔左循虹橋港右下月臺山逾下鐘山頂後

縣基山脊前跨金鐵二山長一千丈崇二丈厚一丈五尺增
二門縣治前曰仰宸市埠巷曰利涉鄒守益有記崇禎九年知縣陳
文德以沙壅城卑增六尺

國朝順治二年圯知縣黃基昌重修康熙三年知縣范之煥奉
檄修乾隆八年知縣安纘祖修左濠自白山塢諸水繞城至長
虹堤入江右濠自黃土嶺諸水繞城至沙頭河入江洎道光咸
豐間舊城年久不完遭蹂躪輒石蕩盡八年克復後督師曾文
正公捐錢捌千串水師統領彭宮保玉麟捐錢肆千串餘集民
捐照舊重建山城改包月臺山周圍計陸里通長一千五十三

九江府志

卷十

建置

城池

七

丈底寬一丈八尺面寬一丈四六尺不等高二丈至三丈三尺
不等共用工料銀十二萬一千二百三十兩九年新建城垣寅
賓門改名澄清門利涉門改名迴瀾門觀瀾門改名成德門又
於迎春門通濟門添建月城名一座新增礮臺五座一在月臺
山一在東門山頂一在南門山頂一在東門月城一在北門月
城卡房七門皆有各二間

彭澤城依鳳凰山其形如宸三面缺宋元間有土城明初尙仍
其舊宏治間知縣王琦于東南二嶺設柵門西立通衢門正德
間流賊掠沿江郡縣知縣何士鳳列柵爲守嘉靖三年兵備副

使謝迪縣令李孟燾因舊址按鳳凰山築城一百七十五步崇一丈五尺加堞石甃爲門二覆以樓六年令柯遷補築實東南山隘之空加二門東曰賓陽西曰大觀南曰文明北曰拱宸萬曆初通判葉朝榮增修

國朝乾隆九年知縣李松泰修築擴南門十數步改建北門咸豐二年粵逆告警知縣郭毓龍以邑城年久失修難守聚捐修葺明年正月賊至工未半而中止咸豐七八年大軍雲集分路下勦賊遂棄遁節經代縣張開誠仇松齡謝紹謙計議續修雖倉卒鳩工難以持久然亦得以救濟一時同治二年春知縣

九江府志

卷十

建置

城池

八

趙宗耀蒞任偵賊上竄力議趕修城垣爲固守計未幾大股賊果上竄因急起團勇隨時補砌且戰且守逆乃敗逸城幸獲全三年秋趙奉調入簾署縣諶瑞雲詳請勸捐接修善後工興四年正月諶署縣任內竣於六月趙回任內城環山險峻濱江平衍處老腳多坍卸塌落均經破土重修高牆垛增礮臺較舊尤爲鞏固云